



文苑  
蒲菡  
叢  
十

賜額文

文苑

20  
2457  
15



4  
2332/15

冊 20  
號 2457  
卷 15



文苑黼黻卷之二十九目錄

賜額文一 院祠  
京畿

花山書院賜額文 抱川

石室書院賜額文 揚州

道基書院賜額文 安城

牛渚書院賜額文 金浦

龜巖書院賜額文 豐德

崧陽書院致祭文 松京

花谷書院賜祭文 松京

五冠書院致祭文 松京



文苑黼黻卷之二十九目錄

崇節祠賜額文 松京

崇節祠賜祭文 廣州

秀谷書院賜額文 交河

新谷書院賜額文 水原

梅谷書院賜額文 廣州

龜巖書院致祭文 陽城

陽谷祠賜額文 加平

清節祠賜額文 仁川

潛谷書院賜額文 仁川

鶴山書院賜額文

孤山書院致祭文 驪州

文峯書院賜額文 高陽

五屏書院賜額文 永平

龍門書院賜額文 砥平

臨漳書院致祭文 漣川

安谷書院賜額文 南陽

四忠書院賜額文 果川

四忠書院賜祭文

賜額文二 院祠 關東

文巖書院賜額文 春川

松潭書院賜額文 江陵

褒忠祠賜額文 鐵原

七峯書院致祭文 原州

陶川書院賜額文 原州

彰節書院賜額文 寧越

文苑叢書卷之二十九

賜額文一 院祠

花山書院賜額文 顯宗庚子○文忠公  
李恒福獨享○抱川

宣祖在作群才接武孰為稱首粵有元輔生稟間氣  
寔謂名世邦家砥柱士林根柢自在童幼已期巖廊  
展步夷途眷注非常丁時板蕩專賴石畫榮決求救  
忠竭執鞫名聞天下功冠中興文盟是主銓柄常膺  
乃登鼎司並摠戎事出入將相經綸表裏民望著龜  
天為社稷謝傅踈襟魏公盛德昏主亂常衆慝逞凶  
謂毋可讎禍迫金墉惟時遜野不在其位發憤抗疏

天經地義爭先烈日獨任倫紀道屈身累人亡國瘁  
善類長慟良史大筆平生立揚可尋本末資惟英傑  
濟以明達風度凝遠器宇軒豁蘊為德行篤厚淳備  
發之事業磊落俊偉早覲宗儒知獎特異晚而嗜學  
遊心義理有銘有箴涵養警戒真契宗旨洞見超詣  
文章炳煥特其餘韻大節卓犖亦云本分清如水玉  
重若山斗應無盡無應有盡有一代名賢皆在其門  
人誦白沙世傳遺文正大之氣凜然猶存院宇初建  
兇黨方熾公論爭激雖禁莫止揭虔俎豆百世必紀  
頃在先朝實許宣額申命禮官嘉號是錫九原難作

緬懷何窮精爽不昧庶格予衷

大提學 復陽製

石室書院賜額文

顯宗 癸卯 右議政 金尚容 左

恒左議政 閔昂重 副提學 李端相 禮曹判書 金昌協 進享 楊州

維天佑人維嶽降神配我熙運篤生名臣維卿伯叔  
匹美齊芳殉忠蹈義昭揭倫常民衷不昧國脉賴長  
緬懷遺烈式舉褒章允矣文忠氣清質厚志專詩禮  
行篤孝友釋褐登仕歷顯敷華謙冲自挹宸擢屢加  
遇事獻規竭誠殫直不媚穢德謝事歛跡凶徒欲噬  
莫我瑕摘龍飛御天鴻翼順風積屈一伸熙載奮庸  
爰從卿月遂躋三公嘉猷正論吁咈雍容端委廟堂

文苑叢書卷二十一  
矜式群公時丁陽九廟社泥露險失天塹孰遏飛渡  
熊魚取舍此心素定一死非難所貴得正身投烈炎  
毅魄上征鬼神悲泣日星晦冥功存世教事映縑緗  
正氣塞天烈烈彌光卓乎文正學精道方踐履必篤  
繩墨自將儀朝世瑞鳳鳴麟出明夷艱貞拂亂增益  
風雲晚際步武方展正色盡言弼違陳善既掌邦憲  
亦秉勻衡清規懸冰直操凝霜誰憎誰愛善慕邪懼  
孤城月暈天地翻覆臨危守經抗辭一哭吞腦不絕  
憤膽欲裂一節雪窖五載燕獄義動殊庭名溢天下  
南冠獲返國人相賀履難歷險所立愈確寧考奮志

大老同德群彥聚精庶圖匡復時運不齊志士所悲  
終始自靖夫心不移嗚呼兩卿何德之懿同扶人紀  
共全天畀精忠大節萃于一家棟樑宇宙砥柱頽波  
西山卓軌東海高躅儀刑雖邈烈烈如昨維揚之南  
漢水之東妥靈揭虔有儼廟宮多士所宗俎豆攸設  
予仰餘風九原難作茲循舊跡肇錫羨額穀朝于差  
經祀孔明茂對休典永綏精英知製教閱  
維重製  
道基書院賜額文顯宗已酉○文元公  
金長生獨享○安城  
宣廟之世有兩臣賢兩賢之道惟卿是傳孔門設教  
曾氏得宗晦菴求師延平啓蒙繼往開來統緒端的

式至今休風化邦國原其資稟純粹直方語其充養  
篤實輝光狂瀾既倒砥柱不移太陽重熙祥鳳來儀  
橫渠禮說最有據守三百三千貫穿講究著為成書  
嘉惠後學家素人習褻褐菽粟睠茲畿郡曾所臨蒞  
武城絃歌同安學事遺風善政沒世興思士民協力  
擇地建祠豈惟俎豆報紀是憑亦合歲修教澤是承  
棟宇既完扁額猶闕儒臣入對為予陳達茲遣禮官  
有以宣錫仍真薄具敷我悃悃尚冀英靈降歆苾芬  
啓迪士林永佑斯文

牛渚書院賜額文

藝文提學  
手端夏製  
肅宗乙卯○文烈公  
趙憲獨享○金浦

惟卿忠烈本乎天性而資之卓而學之正自在小官  
已著剴務能異端欲行王政前後萬言章疏之盛  
正邪之別尤所耿耿茲瞻鬼腸燭若秦鏡磨之不磷  
挫而采勁陰陰鬼門轟轟五嶺褰裳獨赴若蹈夷筵  
憬彼島夷睽賜來偵衆人夢夢卿見獨炳支厦之喻  
持斧之請霜雪斯凜日星避景忠謹不售毒蠶已逞  
天鼓忽鳴疆場震警臬臣藩伯委棄奔迸卿時在湖  
自倡問并哀茲衿紳化為驍猛登壇一誓雪涕縱橫  
錦宄將搗清氛先靖爰鼓我羸以當彼倥終日殺傷  
尚起瘡痍卿以忠奮士以義競嗚呼七百同日併命

凡卿之死其死素定胡能使士以死為慶人言節義  
求諸諫諍若卿平生其學希聖夷清原潔顏志曾行  
斯豈一節所可此並千秋尸祝誦義罔竟有祠孔碩  
亦圻之境寔卿故里行路皆敬爰錫華扁以耀遐賔  
肅肅籩豆薦灌斯整英靈有知予言其頌大提學金  
錫胃製

龜巖書院賜額文

肅宗壬戌○文成公  
李珥獨享○豐德

崇儒重道王政攸先建宇施誦禮典當然不有盛德  
卓冠今昔曷膺寵命為世矜式惟卿奎壁毓精崧岳  
降神稟姿高明早悟道真探賾蘊奧超然獨詣微言  
至論後學以啓理氣之論四七之說深契道妙發前

未發餘事文章譬如菽粟本源經術天然去飾屢魁  
場屋遂占黃甲蜚英朝端聲華藹蔚南宮抗疏妖髡  
伏法玉署陳劄偽勳斯革際會宣廟寵渥彌隆明良  
相遇契合昭融出入經幄論思密勿發揮精微裨補  
聖學湖堂設問備論治體要訣一篇開發蒙蔽修己  
治人主誠與敬致澤君民一念耿耿人仰山斗國有  
龜著望頁經綸贊成至理樂行憂違進難退易卷懷  
而歸逍遙丘壑授業河西講道白鹿摳衣自遠師道  
是任屢勤弓旌莫遂遐心權輿不替眷注日篤訏謨  
籌畫殫思竭力天胡速奪未究其才大厦方構樑木



先摧緬懷遺風永言興思九原難作恨不同時瞻彼  
河源有祠翼翼鄉並新安地伴河洛精靈所安華揭  
尚闕衿紳頌慕封章請額疊紀何妨維德是尚肆錫  
新號用賁扁鵲仍遣禮官薦此菲薄不昧者靈庶幾  
敬格

崧陽書院致祭文

宣祖乙亥○高麗侍中鄭夢周  
主享本朝文康公徐敬茂配享

文正公金尚憲文貞公金堉  
文孝公趙翼追享○松京

嗟我東方僻處海澨箕聖教遠吾道陵替勝國末運  
異人挺世首倡絕學身任開繼不資私泐獨自超詣  
橫豎合理洵若符契化成教胄衿紳濟濟家習四禮

人誦六藝始闢榛蕪丕變推髻施及本朝斯文不弊  
儒賢輩出閔閔是婉究厥淵源實資嘉惠卓彼義烈  
風動百世一心所事甘以正斃竹橋波咽崧山雲翳  
民彝不墜日星昭揭然猶在公一節之細列聖褒典  
式遵等例匪直崇報亦以勸勵今予謁陵故都是懋  
廟貌有屹睠言回睇遺像凜然尚想光霽亦有四賢  
俎豆同祭道德名節前後匹儷並念風猷曠感興涕  
茲忝禮官酌洞薦荔英靈不昧庶幾未屆知製教李  
圭輔製  
花谷書院賜祭文光海已酉○文康公徐敬茂主  
享領議政朴享觀察使許暉右

通禮閑純追  
享○松京

文苑叢書卷之二十一  
十一  
瞻彼花潭哲人攸基猗歟哲人德高道微清純之  
質蓋得天賦窮格之學不待師授玩心高明察理  
淵天十翼妙銓我東一人志則高尚才實經綸不  
就旌招甘心隱淪採釣充飢吟咏暢神珠藏玉蘊  
含章未宣高風惟邈緒餘猶傳逮至于今為式為  
矜翼翼書堂揭虔安靈追惟德懿草木含馨逝斯  
亭高如見儀容粵惟文忠學術醇美若許與閔允  
篤操履德隣不孤合殿彌光遺風縱遠盛美愈長  
茲當輦過緬懷伊人誠深式問念切象賢聊舉體  
薦以表予誠通感有理尚歆予觴

五冠書院致祭文

肅宗乙丑○高麗文正  
公朴尚衷獨享○松京

粵自麗季人紀寔戾舍此冠裳即彼臊羈始焉遷喬  
終乃助桀謂或可親謂天可絕害劇黜逼亂甚降割  
於維文正職在通列特立抗言紹我麟筆正議凌霜  
孤忠炳日首明逆順義同柱屹次及安危謀若著操  
請却偽使請討權孽人皆縮恐我獨奮發忠言既陳  
禍機斯疾鸞鳳翩翩嬰以置罰寃憤莫伸竟埋長血  
奸壬增氣直士吞舌百世之下聞者食噎邦其胥淪  
教則罔闕禮義成俗免為被髮然其樹立豈無根撥  
天稟之粹輔以凜雪孝誼彰聞學業醇蔚維時並生

鄭李群哲同明共照麗澤相說師友講廟孔道以哲  
有衛斯文沒著風節最其平生正氣間出褒崇之典  
累朝猶缺間賴元老以狀上徹事關倫常寧新獎別  
祠宇舊都與崧齊匹易名賜祭俾慰既骨尚闕揭額  
士論咸鬱爰錫新扁薦茲芬苾神理感通異代嚮盼  
仰止高風想像英烈文以致虔庶幾鑑悉

崇節祠賜額文

肅宗甲戌○府使宋象賢府使金  
鍊光副元帥劉克良并享○松京

歲在龍蛇島夷肆毒乘我不備大躡南服邈彼萊州  
賊路要衝維爾府伯首當其鋒變生倉卒守禦無術  
朝衣踞床不動毫髮再拜宸極一札庭闈甘心受刃

視死如歸凶首感義收骨以葬事聞于朝恩賁泉壤  
同時有臣莅于淮陽長蛇荐食爰及其疆邑人奔告  
寇至盍去辭以守土凜凜其語東帶整冠毅然端坐  
賊脅以兵指血如瀉猶且不屈卒以身殉舍生取義  
無媿古訓哀贈有典秩視貳卿亦越虎臣赴赴干城  
從于主帥防守臨津叅謀管轄料敵如神羸師誘我  
賊情叵測戒其輕進力爭不得元戎先渡我豈敢後  
兵顛將蹶奮身血聞天不助順遂死於敵臨亂伏節  
在古罕覲河北諸郡無一義士南朝抗忠侍郎而已  
青丘一域有此三子寔我祖宗培養攸致英聲大烈

萬古炳如暎茲松郝昔爾所居立祠并侑久矣欽崇  
恩扁尚闕有識竊謂多士倡議露章齊籲有司覆奏  
膠守常套予惟獨斷思慰英靈錫以美誦用樹風聲  
茲遣一价式奠菲薄神其不昧庶幾歆格

知製教鄭壽波製

崇節祠賜祭文

當宁癸卯

天挺節義萃于崧陽竹橋高風杜洞清霜山河正氣  
百年遺芳歲在龍蛇亦我三忠蠢爾島蠻蹂躪吾東  
孤城月暈列郡風靡卿獨奮身視死如遺一區萊海  
泰山鴻毛聊城援絕睢陽氣高朝衣北望慷慨一言  
精靈上薄蒸氣南門南朝侍郎虜亦知名恩褒浚發

永樹風聲協心殉國亦粵虎臣投袂淮陽灑血臨津  
勢急封豕義決取熊誓心秉節不謀而同天地一呼  
日星齊明登舟士雅罵賊杲卿大樹飄葉滌水鳴波  
同時匹美義士何多培養有素聖朝神功俎豆掉楔  
崇報深隆萬古三節一體孤祠邑人猶說非子伊誰  
地是立殫感由式問如水在地英靈攸居故都遺忠  
靡不褒欽伊人之想此時益深仵官薦祭倘歆一斟

內閣知製教李崑秀製

秀谷書院賜額文

肅宗乙亥○贈執義李義健贈吏參趙涑并享○廣州

世降叔末俗漸弊逾宜樹風聲以砥頑懦吾得二人

可表百代貞操峻節匹軌齊髫昔在宣廟曰有高士  
資美迺道學務為己長於統綺樂此布素董具甘脆  
曾泣羊棗孝悌為本聲譽孔邵辟書交騰遐思愈確  
卷懷空谷婆娑初服隱不違親貞豈絕俗孺子清風  
叔度全德亦越滄江代興嗣躅心希涑水業承坡山  
遭罹竒禍泣血枕干負既復讎介不貪天掉頭麟畫  
屈臨鸞棘官無虛度家但立壁晚膺弓旌不渝介石  
傾情翰墨玩心高明優哉游哉以率其生睠彼秀谷  
寔君子鄉杖屨攸懋衣冠是藏觀感在茲典刑如昨  
多士協謀一邦趨役載營祠宇齋額宸閣庸昇華扁

以勸後學日辰之吉肴醴之馨靈其不昧庶幾來寧

副校理  
朴權製

新谷書院賜額文

肅宗乙亥○文教公  
尹宣舉獨享○交河

昔在宣廟厥有兩賢丕闡吾道詔後光前維卿是承  
有的其傳宅相坡山私泐文成門路既正積累上程  
程門敬字張氏禮學既恭而安能約於博莊嚴中正  
篤實光輝允矣君子知德者誰簞瓢陋巷所樂不移  
兩朝旌招終執謙冲欽此至道以責其躬春秋大義  
隱而采彰君民素志處猶不忘尹穀之喻義著昭訓  
儒服之名事曠前聞聖祖嘉予此畧可見嗟卿為學

務在實踐登高自卑由內及外鄉隣化德後學有賴  
以今觀卿此功為大矐茲西河衣冠是藏衿紳寓慕  
不啻羹墻於馬尸祝為之歸依有錫新廟用燬柱楣  
緬懷風規慨焉嗟咨爰具牲醴奠以忱辭卿靈不昧  
尚其歆茲

梅谷書院賜額文

肅宗乙亥○文正公  
宋時烈獨享○水原

天挺人豪星嶽毓靈早依賢師嫡承文成統緒之傳  
若周而程巖巖之氣燁燁之英養其剛大致其高明  
海涵地負玉潤金精麟鳳瑞世婦孺知名出處語默  
動遵考亭昔我孝廟圖功救寧寤寐英傑巖穴弓旌

卿時首膺為周室楨非堯不陳陋彼夷嬰薪膽志業  
卓廬經營謨猷密勿寓於無形契合日隆勉以共貞  
一堂魚水曠世恩榮誠正為本規模且宏庶幾丕變  
卓上風行理有難諶天不欲平弓劍忽遺志士淚橫  
邦禮證疑發言盈庭卿遵國典義援古經傍弩伺闕  
奇禍始萌二十年間是非互爭逮予初服藐焉冲齡  
丹衷未燭謗篋已盈萋成貝錦路開棘荆北遷南移  
霧毒煙腥涪留叔子梅滯元城不容何病身困道亨  
天道回環邦運定傾氛翳一掃茅茹彙征魯殿歸然  
滄桑閱更大老在周司馬還京士林欣聳百辟儀刑

予方倚毗卿謝簪纓引年告休丘壑嬰情猷畝不忘  
封章屢呈歲在己巳慶溢宗祚陳辭慮遠語出深誠  
由予不揆譏說橫生白璧投入暮夜猜驚卿不忘予  
予實負卿斯文告厄百六運丁嚴程蒼黃重涉南溟  
郵舍傳命不待就圖丹書莫洗屢變階奠此禍世稀  
願言發頰綸綍示悔涕共言零悼痛靡及九原冥冥  
瞻彼隋城寔托墓塋俎豆斯宜多士齊聲廟貌維新  
式倣真楹念卿德業有光汗青國有矜式人無異評  
追思曩日予懷惇惇既頌華扁仍薦芬馨不昧者存  
庶歆此饒

知製教李頤命製

龜巖書院致祭文

肅宗丁丑○高麗判典校寺事李集左叅議李養中主享本朝

贈吏叅鄭誠謹贈右相鄭輝配享領議故吳允謙贈副提學任叔英追享○廣州

予惟世教要在扶植不有象賢曷以正俗肆自忝位  
政必先斯凡有陳請每勤聽施道德節行罔不褒旌  
瞻茲南漢密邇京城勝國以還名賢接武厥有四人  
尤大彰著猗歟典校學邃行懿文章餘事忠孝兩至  
色舉亂世殉道而坳出處明白操履貞確卓矣侍郎  
大節高風三運粟里一絲桐江恩深叙舊威莫奪志  
事感曠百心愧慄二亦越承宣至性醇行聖祖垂褒  
靈貺知敬彼昏多忌禍崇方喪忠魂寃鬱國人痛傷

乃若文肅大賢高第主昏身隱時清道泰引君以義  
造士有法後學師表一代矜式數百年間若朝暮遇  
流風餘韻聳動來後考厥行蹟莫有上下稽諸祀典  
允宜祭社惟我多士攀躅興慕立祠妥靈已有年所  
茲因疏籲載頌華額緬懷風烈恨深難作觀感在茲  
風聲以樹一堂同祠永享茲土敬遣禮官陳此洞酌  
不昧英靈鑑予忱悃

文學閔  
鎮遠製

陽谷祠賜額文

肅宗戊寅○判書吳  
斗寅獨享○陽城

帝眷下土厥心孔仁變故之際必生偉人俾盡賦與  
扶植彝倫一死以之世道賴焉嗟爾蓋臣逢此之艱

昔予何心疑我壹位茅靡盈庭予違助遂惟其否者  
悅也永喟卿從散秩唱率同志烈烈其言凜凜其義  
疾聲大叫冀予庶悟忠雖莫察禍嬰奚顧剝膚骨碎  
血濺庭汚之死靡懟曾不懼怖復輿載出旄倪爭聚  
風雨晦盲一星昭明六尺之軀萬古風聲冤血埋碧  
氣薄穹蒼往無不復剝陰回陽予瞻迷塗怛言中傷  
長門改闢翟御重還朝行整肅萬姓胥欣幽黜九地  
獨寐無聞何以祭之曲江之魂曷不摧燬忠臣之門  
我思昧昧悼悔交并追加寵褒有媿英靈念卿大節  
夷考生平忠著啓沃政播澄清貞固其資濟以才誠



不接之操確乎可觀生未盡布死守大閑不有素養  
其何能臻遺風未遠士民共尊矧伊赤城寔卿舊阡  
杖屨所憇冠履所藏章甫駿奔新廟煌煌爰昇華扇  
賁飾龍光遵豆孔嘉毛並苾香不昧者存庶歆侑觴

副校理李  
觀命製

清節祠賜額文

肅宗辛巳○贈執義  
金時習獨享○揚州

虞仲羸飾逖處荆閩伯夷餓死耻臣西隣先聖序列  
首之逸民或稱中清或與得仁孰繼高風端廟有臣  
心惟避粟跡類文身百世仰止巍若峩岷寔天生材  
星嶽降神揚晏之鈔國器儒珍聖祖咨嗟恩獎諄諄

勗爾成德期以經綸屬時禪遜邦命維新群龍滿朝  
接翼奮鱗廢然自放絕意昌辰形同蟬蛻裂冕毀紳  
身似雲遊窮厓絕垠豈縛禪寮名假心真穢而愈曠  
堅則不磷誦騷山中投詩水濱倏啼忽笑怒罵狂嗔  
孰知我悲時命之屯告先之文誼篤天親譏孟之論  
驚動俗人鴻翔鳳舉網弋難馴貞逾雪栢潔比霜旻  
誦義欽風縫掖莘莘祠宇古址剗闢荒榛凜乎遺像  
悅接先塵予舉曠典聿修宗禋念爾樹立實閔彝倫  
既命褒贈成朴與均又錫華扁觴俎并陳東峯嘖嘖  
梅月千春時有遭際道有屈伸興言悼想取如隔晨

靈其願享彷彿來臻

修撰崔昌大製

潜谷書院賜額文

肅宗丁亥○領議故金堉獨享○加平

仁廟御極髦俊彙征蔚乎豫章為時棟樑國器如卿  
時望最著貞忠峻節無忝名祖河南立雪有源其學  
資稟近道不待磨琢自在妙齡頌袖青衿值時昏濁  
遜跡山林潜心典墳滿腹經綸朝耕暮讀志在安貧  
半世田畝若將終老中興初載始展抱負纔膺鸞薦  
旋魁龍門朝野拭目賀騰五雲獻納論思孤忠謇諤  
吳札觀風陳琳草檄受知兩朝平步崇顯輿望所歸  
晚陟台鉉雍容廊廟正笏垂紳髮白憂時眉攢賑民

喬嶽不動利澤及人平生揣摩最在均賦功存百世  
惠洽南土墮淚片石至今湖右體國誠心到老架篤  
一封遺表眷眷哀赤確乎不撓身歿聖獎自托肺腑  
蓋存退讓儒素泊如若寒士然昔陪慈聖稔承緒言  
肆予小子慕仰靡極睽彼東峽溪山靜僻杖屨遺塵  
絃誦舊俗多士齋籲建宇安靈丹青新煨苾芬惟馨  
地名潜谷仍賜顯額士林增光斯文罔缺茲遣禮官  
庸備盛典英靈不昧欽此寵奠

鶴山書院賜額文

肅宗戊子○副提學李端相主享吏叅李喜朝追享○仁川

山岳亭毓篤生哲人冰玉襟懷水月精神淵源詩禮

蔚乎彪彬早揚明廷望若鳳麟寧王在宥適啓昌辰  
 論思獻納協贊惟寅十載周旋庶展經綸世或遭屯  
 志倦簪紳言旋我車寤寔之瀆芻豢道義樂在清貧  
 妙契天人沿洄洛閩主靜居敬博約兩臻師友切磋  
 德必有鄰躑躑媚學善誘其諄令聞孔彰旌招繁頻  
 側佇羽儀以佑斯民天不做年痛矣伯淳珍瘁之悲  
 朝野惟均衿珮懷慕久而益新矧茲郟城治化所馴  
 朞月施教沒世誦仁流風如昨軌躅可遵立祠揭虔  
 載瞻奠輪英靈依依俎豆斯陳藏修之規白鹿是循  
 爰錫嘉扁寵章亟申崇德報功永經千春遣官侑造

冀格精禋 大提學李宜顯製

孤山書院致祭文

肅宗戊子○高麗右正言李存吾獨享○驪州

朱雲一言魄褫邪佞胡銓片疏奸宄氣屏粵在勝國  
 有臣忠正國家元氣朝紳骨鯁時維老髡亂厥邦政  
 作威作福太阿倒秉凶焰日熾禍心已逞靈奮其忠  
 抗疏致命鬼腸妖肝燭若秦鏡直觸雷霆不挫彌勁  
 瞋目廷叱怒視瞪瞪投床蹶然奸膽已冷霜雪辭凜  
 日星避景不有直截以折其橫亂賊何懼民志莫定  
 遙遠 缺 臨死一語忠憤耿耿正氣不泯

大名垂永蕭條異代餘徽炳炳若靈平生其學希聖

簡重之資端潔之行功存踐履識透肯綮從遊講劇  
發言欬警孤山一句亦出情性風聲攸暨聞者起敬  
千秋尸祝誦義罔竟廟宇祈祈驩水清淨特頒顯額  
用循疏請我牲既潔我酌惟洞英靈有知予言其頌

校理李  
世最製

文峯書院賜額文

肅宗己丑○掌令閔純贈執義  
南孝溫禮然金正國應教奇遵

德星所聚古稱高陽珠淵祀藝君子之鄉習靜有廬  
葆真養性蘭馨莫掩荐膺名命白帽定制邦禮克正  
猗厥處士氣節堂堂學有淵源臨脫名場渡陵一疏

凜若秋霜侍郎明哲晚結考亭浮雲軒冕芻豢遺經

卷舒隨時士林儀刑侃侃侍講為世真儒揚清激濁

志回唐虞域弩潛吹齋恨泉滄曰鄭曰洪早學金閔

功深羲易探賾無朕天命有圖大賢獎進理窮精微

妙契師旨講席去謨天褒備至惟茲六賢先後一邑

學既衛道行亦砥俗遺風餘韻洋洋如昨多士起慕

選地建宇歲修得所年紀已久今因疏額用宣華扁

臚辭替告庶歆薄奠知製教丁  
思慎製

玉屏書院賜額文

肅宗癸巳○領議政朴淳主享  
贈執義李義健領議政金壽恒

追享○  
永平

宣廟在宥髦彥輩出德行文章於斯炳蔚巖巖賢相  
玉溫水徹洛岡邃學范呂純節正色立朝柱石獨屹  
扶植善類協贊聖烈水月松筠袞袞曠絕十載巖廊  
經緯密勿謹言凜然群小胆慄遜于東岡進退憂切  
俯仰鶴窩丹衷耿結晚節寒花清芬靡歇朶之今昔  
誰與儔匹時有逸士風範並埒資粹行篤識高志潔  
麗澤兩賢造詣卓越小屋深山永筮貞吉的的冥鴻  
炯炯雲月脫屣軒冕沒齒巖穴孤標物外藹如蘭雪  
寧考乃嘉贈之華秩昧昧我思願言如渴予得良輔  
之媿曩哲正直之操貞穆其質襲訓名祖輔以經術

英猷雅量蔚有望實朝稱著龜世推夔禹同我火老  
協心匡弼澍隱陰陽尤嚴甄別一節三朝終始殫竭  
時運消長係卿伸屈追思世變曷堪愴噫茲三臣  
後先頽頽光于邦國曠世同轍睠彼洞陰往躅森列  
遺風所暨衿袍慕悅蒼屏白雲瞻仰薛嶺新修舊祠  
院宇增設始焉獨享今乃并服爰攷年代序位一室  
百歲朝暮靈襟洞徹茲頒華額用薦芬苾幽明一理  
盼蠻感發尚冀英爽來享髣髴

龍門書院賜額文

肅宗甲午○縣監趙昱  
令趙晟并享○砥平

中廟在宥真儒輩出大禍中搆棟樑摧折紛紜狼狽

背師諱學蘭芷亦化涇渭一濁疇能確然惟乃弟兄  
抱經空谷身困道亨心存括囊誠切築塲默護士氣  
潛扶國脉尚切誦義砥柱松栢自悼之詞聞者興悲  
含光蘊寶百世俟之鶴聞九臯旌招屢聘銅儀復修  
雅樂待正間出糠粃世或驚倒倘究其用曷量其造  
丘園歲暮師友周旋講劇精微苑有緒言龍門一曲  
山高水長生焉考槃沒而祭鄉多士來籲表章敢緩  
錫名並祀睠予永歎知製教李  
親命製

臨漳書院致祭文

肅宗丙申○朱  
子獨享○漣川

隋唐佛老士私其學人各異道大易分派春秋裂幅  
異言喧塵塗人耳目六經空垂大義晦塞天未喪文  
啓我先覺猗歟紫陽克紹先聖天地立心生民立命  
道大業廣蕩蕩難名發揮經傳萬世法程祖述姚姒  
精一心法鄒書闢異魯論問答曰學曰庸明道並教  
詩本性情易探造化窮探極微毫分縷解萬殊一源  
百家之精磨光刮垢燦如日星集厥大成嘉惠後學  
環海內外家藏戶讀黜域尊奉夫子道東修我殷典  
配我聖宮崇報斯赫禮罔或歉地之相符事乃有感  
玉篋之東曰有古漳紹興出守名同此鄉衿簪聳動

不謀同聲相址面勢厦屋突兀珠山送勢孔峴慈鬱  
村名古傳武夷是稱奇事聚會山高水增中堂有位  
真像儼臨祥雲郁郁泰山巖巖瞻前忽後恍然起欽  
來請于朝永圖不彫命我有司式舉綉儀千有餘里  
同者偶爾上帝降衷今古一理地同其名人即同性  
求有餘師遺訓炳炳聞風興作曷不古似矧伊尊靈  
如水在地洋洋左右諄諄啓誘誠明兩進敬義夾輔  
化洽時兩俗變鄒魯推以廣之豈獨一方多士濟濟  
王國以寧謹遣禮官錫以華扁辨香齋誠敬薦蘋蘩  
副護軍李  
觀命製

安谷書院賜額文

景宗辛丑○贈吏議朴世勳贈  
史判朴世真并享領議故洪暹

追享○  
南陽

曰維南陽自古多賢地靈人傑比中州焉朴氏伯仲  
聯珠對照伯惟僉正學修行皎在家孝友在鄉幽貞  
當中廟世衆賢彙征迺應薦科思展其蘊聲氣相求  
蔚有華間道古者天雉羅鴻飛蕭然書室返余荷衣  
歲寒松竹永矢素心郭碑無愧段間皆欽仲惟承旨  
才邁識透並時大儒稱以畏友經席謨猷罄竭心肝  
明道奏事御筵晝闡將回至治我君妣如蟲書媒變  
崑炎玉燬西山血脚南走北遷鵬集蠅吊士林涕漣

身歿道亨罔免何幸亦惟景憲師趙文正自兜而嬉  
履矩趨規早揚于朝抑抑威儀舌劄照肝違毒桁楊  
出簾臨位正議如霜瑚璉琮璜率薦廊廟赤烏斑衣  
晚極榮耀業廣功崇有德有文百世可紀於斯人云  
緬懷三人同此桑梓杖屨所及遺芬不沫賢守朔祠  
多士追飾庸頌華額侈其并食鉶豆秩秩章甫闔閭  
靈斯眷顧具頌予言知製教李重協製

四忠書院賜額文英宗丙午領議政金昌集左議政李頤命右議政趙泰采左議政李健命并享○果川

古有大忠社稷為悅殫竭心瘁扶持顛蹶身雖隨滅

名則不泐一時利鈍百代尸祝若我四相實惟其人  
興言及此予懷多幸往在先朝敷求俊哲晚年丞弼  
允矣簡拔諸卿受任許以盡瘁追先欲報一心開濟  
協贊大計擔閣生死炳炳哀精可質神鬼彼之不逞  
噫媚到骨瀝血一劄反為口實簇礪懣鋒廣布羿彀  
惟意取快事何不有緹騎四出次第盡殲芒隕星出  
日悽漢潯窮島血殷海天為赤碧波恨長雲水與白  
從容歸化九天為正固喬氣生李杜名僅一死奚惶  
于後有辭非襲而取素蓄可知髮白心丹聖考揭贊  
憂國忘家昔我興歎江湖廊廟二字為符寒花老圃



古人與朮同心同德一節險夷所其成就卓卓如斯  
天道必復國論大明乃滌丹書乃舉易名哀榮雖備  
曷足小償欲樹之風宜在所享多士建請各於其地  
予志先定俾一體紀維漢之臯厥位孔陽築祠于上  
載剔其荒士競相事工不告後穀朝于差以妥以侑  
華扁高揭棟宇增色匪忠曷致過者必式神京拱挹  
江水泱泱千齡萬代於焉徜徉佯官致辭言不盡意  
不昧者存并歆茲解

知製教徐  
宗伋製

四忠書院賜祭文

當字辛丑

昔在今歲桑海百變星霜重屆撫時悲蹟矧可追理  
苑彼江祠四相同紀一死前進翼我皇祖忠獻首征  
忠文接武岳峙王廷黼飾皇猷忠翼忠愍雋器宏謀  
力捍駭機自蹈湯鑊聯章叫閻神鬼應格狂瀾橫奔  
四柱并屹挾彼雲翳重輪肇出北門有入一網靡脫  
蛇結霧縈魚爛河決土碧三年虹亘十月天運有斡  
物理必復盡然興感俯仰今昔維月若日奄丁舊甲  
黔巖之石曩拜聖蹟緬思舊臣予懷采激遺像在彼  
英姿可挹精靈不化上朝先王陟降庭只宛其在傍  
漢水滔滔永言起傷爰命近臣選日斟觴弈弈如在

庶欽明劔

內閣知製教  
金載瑣製

賜額文二

院祠  
開東

文巖書院賜額文

仁祖戊子○文純公李滉主享  
判書李廷馨趙綱追享○春川

夙稟間氣蔚為真儒志希孔顏學效程朱既博而約  
體用兼備既全而篤敬義俱至遭逢盛際踐歷華躔  
致功操存托趣林泉逮我宣廟荐加超擢垂眷宗隆  
引退益力既判銓部又典文衡辭榮若憂避寵若驚  
前後赴召祇在西樞拳拳之志老而不渝發揮遺經  
箋解微辭毫分縷析極深研幾布諸手劄悉于面達  
或為之圖或著之說人待神明朝倚蒼龜天不憖遺

靡究厥施眇予承業恨不同時維春勝境遊憇攸宜  
惟我後學景慕何既建宇安靈無往非水賜額及祭

盛典斯行一辨明庶

欽予誠

大提學蒸  
裕後製

松潭書院賜額文

顯宗庚子○文成公  
李珥獨享○江陵

洪惟穆廟丕闡文治孰克欽承以左右之曰惟儒賢  
應期挺出粹然天分金精玉潔義理在躬清明愷悌  
不待師承默契道體精思實踐先立大本遠紹絕學  
直透關鍵考亭遺緒大明吾東歷沂前賢獨得其宗  
理氣有辨擴前未發開示深奧氷釋河決聖學有輯  
折群言衷修己治人舉在其中造詣之深門路之正

道積德成施于有政羽儀王庭黎民加額辟立巖廊  
扶我皇極聖祖典學講殿日闡法筵啓沃在殷惟說  
聖祖圖治疇咨臣鄰嘉謨入告若周之陳出處之貞  
惟道是偕進任致澤退則繼開如日斯揭不肖者但  
曾不是愠江海容物砥柱狂瀾獨持衡平惟我聖祖  
鑑此孤誠晚躋冢宰契遇宗隆與共天職佇臻時雍  
天奪何速哀動宸極予思先正徽猷如昨炳然遺編  
為世之程明體適用允矣其成其人則亡其道則長  
作成後人霑濡無疆瞻彼臨瀛山川清澗篤生斯人  
實是亭毓士林瞻依遺風不沫禮樂絃誦小子有述

揭虔妥靈有穹者宇濟濟青衿肅將違豆崇儒重道  
有國之典樹之風聲爰揭華扁武夷名區白鹿舊規  
觀感興起孰無秉彛庶弘斯道樹我國脉茲陳牲醴

尚冀是格

大提學金  
萬基製

褒忠祠賜額文

顯宗戊申○將軍金  
應河獨享○鐵原

烈烈惟靈奮自偏裨臨危授命義動華夷天子嘉之  
國人哀之人誰無死靈則有辭西陲發難歲在敦祥  
逝矣深河天日晦盲孰尸我師嗟彼豎子兵未及交  
厥膝已踞靈時將左獨厲義勇精忠攸激士不旋踵  
跳盪奮呼殺傷過當左驂雖殪空券猶張矢盡力竭

以死殉國顏面如生劍柄在握允矣壯烈有光前古  
如軫在晉若躋于魯天實昇靈植我倫紀撐拄宇宙  
炳煇千禩亦既有祠龍灣之浹時舉時廢匪靈之耻  
睽彼東州惟靈舊鄉遺風未沫彌久彌章建宇安靈  
寔出民彝矧予崇報在典可虧猗嗟毅魄豈云澌滅  
儻為光輝以助星日儻為雷霆以強憤鬱臨睨下土  
喑噫輦感興言及此令我心惻尚徵英靈以礪衰俗  
有恤其祠顯額斯揭仍命禮官薦以牲醴山川動色  
父老涕滂靈兮歸來歆此馨香

七峯書院致祭文

顯宗癸丑○高麗進士元天錫  
主享本朝右贊成鄭宗榮贈領

議政韓百謙配享直提  
學元吳追享○原州

民厭麗德天啓聖祖一掃昏穢萬物咸覩展如之人  
獨行不顧隱居雉岳永矢考槃恭惟獻廟念切甘盤  
既勤名駟亦屈和鑿志堅踰垣匹夫難奪能以禮下  
俾遂高節採薇西山何損周德垂釣桐江實扶漢俗  
究彼所就豈無預養少也好學長益勉強優游涵泳  
深喻義理遭時獨亂蘊而莫試暫遊國子非為筮仕  
遯世無悶高尚其事風聲所及異代興起八溪鄭君  
天姿英粹髫齡執喪觀者歎異研窮性學早登師門  
內確外端金精玉溫國選廉謹僉舉姓名宮壺天樂

文苑補遺 卷二十一 賜額文

二十五

曠世輝榮孽臣柄國勢可炙手朝臣奔走猶恐或後  
超然若浼獨耻媚竈頽波砥柱疾風勁草位躋崇班  
終保雅操履滿知之引年懸車江樓賜餞進退皆華  
並美二疏前後孰多侍郎韓子行潔氣和年纒弱冠  
慨然求道潛心羲易洞澈玄奧中罹文網禍將不測  
天護善良乃謫有北歲在龍蛇時事艱危邊氓煽亂  
遂應島夷官軍魚散列邑風靡一二人同灑泣奮義  
元惡授首一方以平世用武夫功出書生受知穆陵  
屢加恩擢謝屏昏朝居貞韞積念茲賢哲接武于原  
譬馬多冀如玉出崑崙操雖殊均播遺芬瞻彼七峯

章甫如雲茲遣禮官敬奠洞酌數字華額萬古矜式

陶川書院賜額文

肅宗癸酉○掌令許厚獨享○原州

萬丈巖巖千頃汪汪早就有道得聞大方心不毫藏  
躬則繩蹈曰敬曰義是詣是造名教為準事物成則  
聖祖嘉乃恩褒寵擢惜乎告老經緯未試佩魚戴豸  
豈展一二厚德宜崇侈踰於字往歲文正已別俎豆  
猗歟吾東亦有二程載遣禮官用薦深識吏曹參議閔昌道製  
彰節書院賜額文肅宗己卯○集賢殿學士朴彭年成三問李埏柳誠源河緯地  
節制使俞應孚并享○寧越

予惟義烈貴加褒旌不有扶植曷樹風聲嗟爾六臣

生並一世翊輔端廟共貞是誓迨天眷德不變初志  
視死如歸盡忠所事魯湖雲水往事慘傷凜乎其節  
可扶顏網士林興感慕義無窮立廟揭虔越山之中  
靈魄有依密邇崇岡想乘雲氣列侍在傍往在戊寅  
曠禮追修象設載新有儼珠丘遺祠在近恐失肅敬  
有司之臣移建是請予故不許古亦有是蜀漢君臣  
一體祭祀余楠長隣際會如舊庶伸湮鬱永享觴豆  
數字華額尚稽恩頒邦典有歎章甫增嘆今因叫闡  
乃命揭扁遠近聞風必多激勸茲遣禮官真以菲薄  
精爽不昧庶歆斯爵

知製教李邦彥製

文苑黼黻卷之二十九

文苑黼黻

卷之二十九

賜額文

二十七

文苑補遺卷之三十目錄

賜額文三 院祠海西

鳳崗書院賜額文 文化

道山書院致祭文 金川

鷲峯書院賜額文 安岳

九峯書院賜額文 平山

道東書院致祭文 松禾

文會書院西祠賜額文 白川

文會書院東祠賜祭文

清聖廟致祭文 海州

文井書院賜額文 鳳山

龍溪書院致祭文 遂安

正源書院致祭文 信川

愍忠祠賜額文 金川

白鹿書院致祭文 黃州

龍巖書院致祭文 長淵

紹賢書院致祭文 海州

賜額文四 院祠 關西

鰲山書院賜額文 龍崗

義烈祠致祭文 慈山

鳳鳴書院賜額文 定州

景賢書院賜額文 江界

忠武祠致祭文 安州

忠愍祠賜額文 安州

龍谷書院賜額文 平壤

鶴洞書院賜額文 江西

象賢書院賜額文 熙川

忠烈祠賜額文 昌城

武烈祠致祭文 平壤

九峯書院賜額文 碧潼



旌功祠致祭文 龜城

清川祠致祭文 安州

藥峯書院賜額文 寧邊

新安書院致祭文 史州

義烈祠賜額文 宣川

賜額文五 院祠 關北

老德書院賜額文 北青

龍津書院賜額文 德源

溟川書院賜額文 吉州

顯忠祠賜額文 會寧

文苑補遺卷之三十

賜額文三 院祠 海西

鳳崗書院賜額文 肅宗戊午○右議政 柳寬獨享○文化

洪惟英廟壽考作人 麗碩輩出名德 彬彬嶷嶷文簡

實際昌期 天與美質 能自得師 默契妙悟 早尋正途

冲和內蘊 精爽外敷 道積厥躬 施于有政 去謨履羶

調鹽台鼎 抗疏釐禮 汚俗丕變 闢異觝邪 文教大闡

周旋四朝 契遇深隆 朝廷模範 士林師宗 學造程朱

才追班馬 八字華袞 千金非價 無私之稱 最正之說

昔賢定論 蓋撫其實 晚益味學 貴不易志 循循誘掖

多士興起以啓後學厥功斯博乃若進退惟我之道  
綠野優閒眉壽尊名弊屋簞食原潔夷清手傘庇雨  
不改其樂伴官設籬恩輝夜燭當時為榮後世流芳  
迹其平生 缺

睽彼文城寔卿故土於焉俎豆

厥有年所華扁獨闕一方咨嘆衆髦封章籲請彌勤  
爰錫新額仍葺洞酌靈如不昧尚冀歆格 校理李  
世最製

道山書院致祭文

肅宗丙寅○高麗文忠公李齊賢進賢館提學李種學本朝大

提學趙錫胤并享○金川

崇德尚賢王化攸基建祠表額歷代美規緬惟文忠  
勝國元臣志大經綸學貫天人肆力講劇深造閩城

發之文章博而綜揅措諸事功燁然閔卓位尊鼎台  
任重君民周旋變亂益著忠勤備經險阻不懈始終  
名播華夏功被海東邵德廣業有曠今昔矧惟斯文  
實賴扶植時值衰昏儒教未振獨自奮發義理是闡  
倡明絕學丕激頽俗一時埏埴多出鴻碩型範猶存  
百世可則亦粵提學生麗之季濡染家庭文學有自  
厥施未究擯于荒裔忠節猶確蹈禍不悔烈烈高風  
迄今如在迨我近代曰有賢宰孝友根性儒雅飭躬  
羽儀明庭風儀雍容清操懿行頌袖士林餘芬未沫  
後人起欽予念諸賢恍如隔晨世雖相後注想斯均

文成前集 卷二十一  
一  
瞻彼西郡有祠翼翼杖屨所歷體魄攸宅高山仰止  
遺躅可尋茲賁華額用慰儒衿載遣禮官序配以享  
英爽不昧庶並來饗

鷲峯書院賜額文

肅宗丁丑○文成公  
李珣獨享○安岳

震鱗薦瑞地靈亭毓年纔學語文理便覈詠榴言志  
天賦丹忱形憂禱廟人悅孝心仁民愛物發於見溺  
觀眸識主若鑑之燭慕同九世思齊其美撫詰前古  
志名崇義凡茲善行未及毀觀姿近生知命世之雋  
瑞日祥雲元氣之會金聲五色渾然而就專心克己  
銳意三代繼往開來指南其牽義理之析造詣之豁

退翁月老識自志學慕古不泥應俗不混待人開心  
洞赤無隱處事坦夷不設崖岸蜚英揚廷契合無間  
薇垣一劄克分邪正始入銓衡守公秉政令伯哀情  
能感聖祖禪賀為慰邦禮克昭湖堂答問治亂斯監  
壺儀亟定祖述周南衛社釐勲志在正國請寢需蠟  
攻異辭闢國耻快雪慶溢東方昏政思革或難更張  
倚若柱石信如神明寵秩登用大猷可升心說學要  
優入聖域瀝血封章前後萬說經濟大方致澤極功  
效豈一代吾道斯東天道復禮華人歛衽漢槎將返  
無從有飲聖眷人慕心悅誠服任怨竭忠含沙潛螫

文苑補遺 卷三十一  
三十一  
衆噫漂山三憾斯逞北鄙方畧反成獲併擅柄慢上  
有言罔極雲黑月明忠赤可掬白雲鄉閔聖諭堪淚  
屏裔典刑遐心乃改天胡不慙奪之斯速九重悼怛  
輿僮載泣崇終隱率禮罔或缺周情孔思載在方策  
塞悲陳情可破肝膈願為某黨無古殊渥接緒詔後  
功媿程朱恨不同時予嘗興吁允從齋顙肆配聖廟  
中間陞黜予所自咎日月之更醜正何傷百世宗仰  
否短泰長瞻彼鷲峯揚岳之地建宇安靈乃錫新扁  
茲遣禮官用奠泂酌不昧者存歆予衷曲掌樂正俞  
信一製

九峯書院賜額文

肅宗丁丑○文純公  
朴世采獨享○平山

考廟作人群賢蔚興崇儒盛節寧考是承誠深寤寐  
禮加弓旌卿時蘊玉朝野望傾威鳳瑞世拔萃出類  
泰山就高才積銖累引我準繩溯彼閩閩聞道之早  
私泐諸人精思妙契道遠任重博文約禮明體適用  
義炳尊攘志存致澤賢館未築屬予嗣服先志不忘  
微幣斯勤讒言莫售令聞日新卿不我遺喜甚同朝  
堂上郝俞袖中劄條才高行方進難退易倚毗采專  
擢置冢宰經緯密勿規模宏大由予扞格致卿顛沛  
五六年間義晦理塞否極思泰天日重闢坤儀復正  
邦運再更位晉鼎軸望切治平首陳四啓文推萬言

賜額文

植倫扶綱辭嚴義尊皇極為訓大誥是播入告出諭  
黜諛警懦辛甘思劑鑿枘或舛色斯何遽愧予誠淺  
尚冀幡然圖厥攸終二豎沉淪中台告凶若履去棟  
若川失楫天奪胡速予懷靡極平生志業蘊不時施  
君子無恃士林興悲睠彼東陽杖屨攸憇開堂講說  
不厭提誨士趨知向儒風丕起陶山石潭前後同揆  
生而親炙歿焉興慕俎豆宜托有佺新宇特循群籲  
庸錫華扁仍薦洞酌尚歆不腆

道東書院致祭文

肅宗戊寅○朱子主享文正公  
趙光祖文純公李滉文成公李

耳配享  
○松木

道在宇宙亘古無虧不豐于華不畜于夷如水涵地  
達于四陸如氣綰人注于四肢粵我考亭萬世攸師  
廣若天海密若毛絲篤其踐履確其操持真源嫡派  
灼見明知啓迪後學昭揭宏規遺教所被風鼓雨滋  
自道之東儒化大裨左海師範非獨肇箕群賢繼出  
寔盛於斯繫惟文正天與美資出應奎瑞仕際昌期  
尊王賤伯剔浮黜瀆明良會神方大有為執憲振綱  
男女分歧蹈正明誼冒死不辭群壬逞禍志士涕洟  
暨厥文純早作蒼龜晚益嗜學如食于飢抱經矻矻  
求道孜孜闢異觝邪曠微證疑敦篤之參準繩之伊

聖圖復哲禮經再釐永垂謨訓以詒室室巍乎文成  
師厥範儀理氣之微洞究精思卓焉其識奧哉其辭  
左右良友磨礱切偲君期克舜身許臯夔協贊治理  
庶挽雍熙杓鑿莫容用舍隨時于朝于野進退得宜  
石潭晚計數椽茅茨制倣武夷堂闢緇帷睠彼文城  
逸接海涯便道選勝杖屨頻移經營小築有計莫施  
所過者化餘教罔蘊使彼僻陋知有秉彝光塵雖邈  
典刑可追絃誦猶聞遺澤斯垂儒衿景像深久不衰  
乃即遺躅以拓新基是謀是勅廟宇邴邴有翼其檐  
有級其墀前賢後儒一體同祠若宋諸賢上配仲尼

士林崇報有貴於茲牲牢之供悉辦于私久稽恩額  
餘四十碁邦典有歎章甫興咨今日齊籲吁亦太遲  
爰採士論亟命有司發揚幽潛丕舉闕遺特錫華扁  
俾煇柱楣秩其筮帛潔其盥盥重道之誠因是可推  
不昧者存冀或饗之

修撰趙大壽製

文會書院西祠賜額文

肅宗戊寅○文成公李珥文簡公成渾并享文烈公

趙憲配享文純公朴世采追享○白川

繫我本朝丕闡文治嘉隆之際作成采輝頌賢魁彥  
輩出應期維時宣廟道盡君師周庠魯頌儒教猗猗  
戶絃而誦俗淳而熙睠茲海堧化雨均滋銀川之浹

講業創基多士全集舞蹈唔咿文以為會得古院規  
事聞于朝聖朝嘉之煌煌寶墨侈扁于楹經亂回祿  
觀者咸咨金陵再書亦出恩私百有餘年嘉名永垂  
祀賢之典猶有闕遺昔歲庚申建此廟祠制倣南康  
左右邗邗曰惟三賢際穆陵時文成文簡道尊義肥  
處而修身孔顏是晞行則正君姚姒可為如鳳其瑞  
若蘭之蕤黜世駝敵遵聖之達性理輝明禮樂庶幾  
亦粵文烈正氣英姿勤勤章奏萬言千辭謠詠擯斥  
絕塞荒陲挫而彌志節不衰卒死於國忠貫星曦  
矧念儒相受予遇知斯文嫡傳後學著龜博約宗朱

準繩體伊石潭牛溪遺緒有歸自我先后寤寐求思  
予庸登崇依億叩謔藻績於服麴蘖於醕四劄大誥  
可弦可韋凡所纂集將多前徽天胡奪速蘊不溥施  
嗟我諸賢德行俱巍有享有配士林瞻依攷跡沂風  
寓慕發啼邑子纓顙官致幣犧予復思惟褒額宜追  
祗述微意用賁前儀升有六字予言匪夷俟司將命  
守臣薦齋聖祖表章千載罔墮精靈不昧尚並敬茲  
文會書院東祠賜祭文

金德誠  
并序

左議政安塘副提學辛應  
時左叅贊吳億齡大司憲

維茲院宇羽翼文廟始因講學聿創堂燎厥後建祠

文苑蕭蕭卷三十一  
藝香薦醜西奉四賢為世師表在東諸卿言行可攷  
猗歟貞愍質嫩才邵生際已卯長于百僚推賢好善  
譽聞振耀卒胥奇禍鳳落于景副學清標內蘊外曉  
偉雅肅恬掇皮祛矯周旋通列啓沃有要留心禮學  
志行采劭賊哉文肅忠而且孝博識明見疇有其肖  
寇難將啓皎若燭照持正不撓益著勁操忠貞大節  
星揭日曜奎壙禍迫天地昏擾扶倫一言人紀再皦  
青史紀微始終了了予念諸卿舉宜崇報踵繼一鄉  
享同廟兒衿佩敬慕邁亘斯肇寔道列聖作成教效  
所嗟恩額經亂莫保事欠儒宮咨騰耆少予今書頌

美意允紹慰彼章縫振我文教冀歆真儀庶照綸誥

兵曹參議  
俞得一製

清聖廟致祭文

肅宗辛巳○清惠侯伯夷  
仁惠侯叔齊并享○海州

藐予御極名教是尚匪忠何勸非節何獎緬維二子  
特立宇宙塗炭惡人弊屣大寶姬武吊伐萬國率俾  
奮然獨非叩馬陳義薇歌寓憤周粟堪羞一片首陽  
寔惟殷丘微子一死世無君臣力扶綱常身柱乾坤  
羲娥讓光岱泰失崇頌廉懦立萬古清風景仰方冊  
倣軫予衷地去萬里世後千春想像興感宛乎隔晨  
爰有一山亦在東隅壤雖云異名則相符即似懷真

文苑補遺

卷三十一

賜額文

八



多士咸奮圖攸揭虔廟宇新建因其請額表以嘉名  
孟氏有言乃聖之清用是扁楣庶稱其德親灑御墨  
命工鐫刻近臣將事式盡予誠永安尊靈聿樹風聲  
夫子之神如水在地有誠必格無間遠邇邦雖僻陋  
靈豈遐棄牲肥酒香彷彿來享興我邦人高山景行  
丕變媮俗惟神之賜欽于世世自今伊始

文井書院賜額文

肅宗癸未○文成公李珣主享  
文元公金長生文敬公金集配

享右議政姜碩  
期追享○鳳山

考亭垂訓日星麗空孰闡斯道大明吾東唯我文成  
命世儒宗天資卓絕灑落清通理氣有辨的破冰融

真知實踐道積厥躬羽儀王庭熙運是逢政要治體  
萬言奏封志挽唐虞佇臻時雍王佐之才致澤之功  
天胡嗇壽厥施靡終惟是繼開可徵無窮文元傳鉢  
積累深崇曾以魯得內專用工任重致遠惟毅與弘  
冰壺霽月瑩澈襟胸三千三百剖析折衷叙秩粲然  
發聳披聳德齒俱尊晚際飛龍謨陳十三誠格九重  
亦越文敬一體道同西山父子並尊晦翁處幽如顯  
對越蒼穹資純養厚莫見罅縫英華外彪和順內充  
孝廟側席禮隆徵庸國有著龜望重岱嵩倚嗟三賢  
德業並隆洛閩真源洙泗餘流其道伊何敬義恕忠

輪翼無偏秤鑑衷中體之在心文以形容人亡道存  
啓牖群蒙恨不同時予懷增忡瞻彼鳳陽翼然儒宮  
于焉歲修濟濟冠童地有過化並留遺踪或按憇棠  
或寓編蓬念茲恩額多士跂願爰揭新扁俾煥檐櫳  
秉彝均昇無畷與豐不有興作曷從磨礱用勸觀感  
庶冀陶鎔肆遣禮官芬苾虔供非直崇報振我儒風  
不昧惟靈欽予菲悃

龍溪書院致祭文

肅宗戊子○高麗平章  
事李連松獨享○遂安

箕教已遠吾道漸塞夷于羅濟儒風久熄天惠勝朝  
公乃挺特性理正學研自宿昔出為世展蔚著燬蹟

式翔聖廟斯文復熾聿衷經籍群蒙是擊倡自封邑  
雅教斯博有功聖門于今矜式維斛累萬洎僕三百  
允惠當時永賴塵邈茲雖緒餘亦云其倬矧彼蹈危  
素守彌確身殉主辱骨委異域烈烈其氣爭高秋色  
繫公行義本自道學興文樹綱作後懿則不墜者存  
宜享血食多士協謀載建祠屋雖薦俎豆尚欠恩額  
事有曠感實為心惜士論寔採萃扁庸錫肇舉闕典  
聊致筐帛誠出重道庶慰幽漠靈其不昧冀歆泂酌

禮曹參議  
趙泰老製

正源書院致祭文

肅宗庚寅○朱子主享文正公  
趙光祖文純公李滉文成公李

文苑補遺

卷三十一

賜額文

○ 珥配享 信川

於休考亭天縱聖德滿水秋月照隙餘色天存人過  
一以萬積斯道丕闡如日之赫型範百代指導冥壚  
唯我文正生此東國真實肆踐貞矣平直動引姚姒  
君心是格黜滌反醇行仁化俗循蹈正誼寧怵禍阨  
亦粵文純早臻奧闕究玩精微從容禮樂出處惟精  
與道偕適證疑觝異秉斗鈞曠遺文永垂繼絕瀝洛  
嶷嶷文成學由天植稽問叩鍵沉視契默理氣有辨  
聖圖孔哲進任致澤扶我皇極尊慕聖哲訓彼衿掖  
藏修有所賴以游息世仰遺徽人欽餘躅賸茲信邑

首陽隣域武夷地近婺源是則家絃戶誦猶有聲澤  
士林瞻依觀感彌篤千秋四賢一體廟食制視石潭  
規倣白鹿新錫華扁以耀遐僻文雅復振崇報無射  
抒辭以侑尚歆泃酌

愍忠祠賜額文

肅宗壬辰○青興君李重老防製  
使李師朱府使朴榮臣尹廷俊從

事官李聖符并享慕下士權  
浩元張綱方瑜配享○金川

粵昔甲子仁廟初歲逆豎射天稱兵內緡凶鋒豕突  
倏薄畿底列鎮皆靡莫敢抗制朝儀持重欲乘其弊  
青輿獨爭慨然投袂上壯其言授左防禦同時受命  
亦有右拒軍容草草數百禁旅退走者誅扼腕相誓

急引兵西猪灘是據豐竈二字領率俱赴副察編裨  
自請來救賊文間至啗說我右立斬以徇折其凶醜  
五將激勵三軍奮怒氣欲吞賊殊死血聞以數千瘡  
當累萬銳寡豈敵衆知事不濟左帥徒手推殺七虜  
勇赴深淵顧諸校語男兒死耳義不受汚右帥編將  
相繼投水家僮泣挽斷裾聳墜惟朴暨尹初約同死  
力竭被執引誘降附是可忍聞俱發奮罵國恩至厚  
何故反背爾速殺我我不從爾聲未絕口已斷右臂  
嗟二義士一時支解交相罵賊此死不止從征兩校  
敗不挫志身戰終始不屈遇害幕下一士斥候出使

歸即自殺下從其帥灘上是戰可謂壯矣節死之多  
何乃至此蹈忠履義炳輝千載至今凜凜尚有生氣  
巡遠莫過果卿可比樹立之卓亦罕前史聖祖傷盡  
擊節興喟十行袞褒日月昭揭前後旌贈曠世恩禮  
睠彼金陵殉節之所遺跡未泯一方景慕建宇妥靈  
五享三配猗嗟忠魄烈烈猶在應為鬼雄邦國是衛  
肆予緬思崇報曷替有恤其祠新額載賜以命禮官  
各薦一解魂兮歸來庶幾歆判書任

白鹿書院致祭文

肅宗庚子○朱子主享文毅公  
金宏弼文成公李珥進享○黃

孔子既沒道在方策微言日堙聖路誰闢秦漢以下  
賢賢百世奎文啓運真儒相繼恭惟夫子集厥大成  
旁搜遠紹發揮張皇天經地緯牛毛蠶絲功豈下禹  
千眼是開六合之內均蒙嘉惠顧此箕方信服為最  
餘教所暨式至今休允可崇奉罔敢不修天柱之山  
有頌者谷其谷伊何曰維白鹿昔我夫子莅事南康  
重營儒宮廬阜之陽一編誠明三爵蘋藻爰及英才  
樂與講討維地相去千萬餘里而世相後又五百禩  
神理雖遠求則在是氣無不之如地有水名既相符  
事若冥會宜倣夫子卧龍之祭維金文敬深厚篤實

暨李文成高明上達淵源有自俱遵法門或留其躅  
或居其隣寒水秋月千古一印許以從食特副士論  
夫豈浮華徒循文為式冀儒風由是作之為學之方  
舊規且存舉此而措丕變何難茲揭華扁薦以銅豆

庶幾明靈永垂啓佑

知製教金  
濟謙製

龍巖書院致祭文

景宗辛丑○朱子主享文  
成公李珥配享○長明

世迹洙泗聖路已榛不有繼開孰躡我人粵在盛宋  
儒教丕明繫惟紫陽集厥大成近邇瀛洛遠紹孔曾  
誠明敬義終始服膺博約一貫體備用宏語大無外  
亦極其精折衷群言發揮六經微辭與旨粲如日星

功崇利博萬世永賴自吾道東群儒蔚起允矣文成  
亦得其宗精金潔玉瑞日和風真知實踐造詣純篤  
四七之辨毫分縷析聖學之要綱舉目張遭際昌辰  
擬挽唐虞履屨啓沃精一心法進退行藏惟義之合  
晚築石潭樂道忘餐夢寐千聖沿襲五賢江漢之慕  
最在閩翁一部全書反復研窮繪像于壁朝夕瞻敬  
遠邇承化士趨以正矇茲長潭壤接首陽杖履攸暨  
草樹含香西河罔疑晉鄙多薰遺澤不沫沒世可護  
矧彼山名適符閩鄉地雖相懸尚有餘光顧名興思  
髣髴摠衣衿紳誦度於焉建祠持持屋牆滌滌增庭

前賢後儒一宮妥靈寔遵文成揭真書庵亦倣夫子  
紀葛龍潭千載一心秋月寒水士稽陳聞不列邦祀  
願予新服振作宜先覽章興咨載宣華扁茲遣禮官  
酌此洞酌尚冀明靈並垂歆格

知製教趙聖復製

紹賢書院致祭文

當宁辛丑○朱子主亭文正公  
趙光祖文純公李滉文成公李

珥文簡公成潭文元公金長生  
文正公宋時烈配享○海州

緬懷殷師肇教我東道遠千載孰啓群蒙倚此文正  
姿挺金玉早從寒暄夙溯闕洛光霽胸襟誠正踐履  
倡我絕學鼓我多士穆穆中廟倚以為政賢科顯俊  
小學養正中和之說義利之辨堯舜君民庶幾親見

時有平陂道或亨屯天日照衷志士霑巾列聖繼烈  
崇報彌章無往不復屈短伸長予懷遺烈感若隔晨  
安得儒宗黜滌反淳翼彼紹賢卿配考亭功存繼開  
光并日星爰暨在列一體洞酌靈應不昧尚亦來格  
右文正公趙光祖○內  
閣知製教李秉模製  
崙彼高山蒸陽攸祠武夷名區白鹿遺規既配靜退  
亦右坡沙卿位于中俯仰孔嘉若孟紹尼似周啓程  
間我五賢繼開文明念卿天資英邁超倫在霄威鳳  
出世祥麟周陳嘉謨商說典學國倚菁龜民瞻喬嶽  
東西願瀾一柱撐支累起累躋奈此群飛遂服講道

百世師法擊蒙有訣聖學有輯人文朗宣理氣洞析  
緬惟緒餘寤言曰篤手編可尊斯夕敬瞻近密替酌  
自雲暨潭因卿義起一院齊饗山仰之懷寸管莫狀

右文成公李珥○內  
閣知製教鄭東浚製

海東真儒河南處士家庭之學淵源有自粵昔靜翁  
斯文正脉有卓其緒惟卿是續資稟間氣識透大原  
進脩勉勉涵養存存紹述考亭尊慕陶山其德不孤  
亦有大賢勗以麗澤照以同明若宋司馬有薦叔程  
屢徵乃起首陳大道志存致澤治佇熙皞祗緣貝錦  
各返初服于彼石潭講論太極泰山俄頽晨星孤揭

文苑補註 卷三十一  
土首軒冕翳泰仁義卷懷而終吾道斯寓宜紀永世  
式躋聖廡維時曠感緬想遺風九原難作百世儒宗  
禮配院享年迴舊甲撫時增懷寤言采篤爰命近侍  
洞酌以侑庶幾歆格永釐啓佑  
右文簡公成渾○內閣知製教徐昂修製  
地本華閩天挺大賢早自得師正嫡是傳資質真醇  
操履確敦永謝科臼先立本根捐華討宗動準趨繩  
夾持敬義兩盡誠明德行之蘊發言成績探賸性理  
闡明丘索尤是禮書節文纖微毫分縷析靡有餘疑  
群蒙乃躡昏衢揭燭倚我大東有此正學昌辰玉帛  
賁于丘園高岡之鳳羽儀朝端年高德邵霽行潦休

吾道增重世教斯扶一國景行百世師尊爰躋聖廡  
實猶輿論睠焉石潭有翼其宇晦翁主享群賢同侑  
文成之左繫卿是任師弟并經統緒彌著斯文所在  
孰如是院寤言曠感典刑遐緬恨不同時予懷曷極  
茲遣近臣聊奠洞酌尚冀願享永世無斁  
右文元公內閣知製教徐龍輔製  
溥彼石潭實源武夷會于華陽有普厥施天將降任  
山河毓氣養以浩然配道與義繩準方嚴出處正大  
允為儒宗嫡統是承闢邪拒諛尊聖衛經辯豈予好  
文不天喪倚我皇祖一德相求禮隆賓師義炳春秋



昭融契合密勿謨猷貂裘未試龍馭遽賓窮宙此恨  
永滋鬼神然其樹立有辭天下中間世變禍實誰嫁  
天道好還公議難誣道德彌光義理不渝予讀遺書  
曠感斯切揭額皇祠躋殿太室睠彼紹賢道脉所寄  
有秩師承一堂罔侍伴稱泂酌序歲明裡靈其格思  
我享之虔

右文正公宋時烈○內閣知製教沈念祖製

賜額文四

院祠開西

鰲山書院賜額文

顯宗辛亥○文毅公金安國參判金正國并享○龍崗

中廟御世文教休明惟時群彥協心共貞溫溫文敬  
抑抑侍郎雙璧聯輝邦國之光飭躬于家豈第精白

惟孝與友曾閔是則曰慕曰思相彼齋扁展也懿行  
為仁之本早親有道造詣超躔門路之正踐履之篤  
發為文章彪蔚醇深為大宗匠並峙儒林若唐昌黎  
在漢江都晉滄斯闢聯步亨衢矢謨履羶引君當道  
宣化藩維既富而教已卯遜荒久罹爨凶朝綱再新  
俱膺徵庸維時士氣熄而復燃兄及弟矣靈光歸然  
斯道一脉賴以不墜循循誘掖多士興起以啓後學  
厥功斯博予懷若人徽猷如昨睠茲龍城山川磅礴  
篤生儒珍實惟亭毓有時退歸訓迪邑子鄉里覲德  
謠俗以美遺風攸洎久而不沫緬仰道義小子有述

揭虔有所廟宇邗邗鄭公遺居白鹿舊規爰錫新額  
仍葺洞酌神理有知尚並歆格大提學金萬基製

義烈祠致祭文

顯宗辛亥○高麗樞密副使崔春命主事本朝南寧君洪命者配享

高麗崔景候金之侍追享○慈山

寄百里命捐七尺軀志不可奪義不可渝共扶倫常  
昭揭宇宙追褒忠烈何間今古乃睠西土有城慈母  
若稽前代有臣居守時維蒙帥百萬其衆月暈山壓  
曾不少動國君畏敵諭以出降閉門不對忠憤滿腔  
遂罹讒鋒要快虜情礎斧在前顏色不更唯彼狼心  
反感其忠請得以釋追策元功名垂史傳事光千禩

本朝不幸禍慘丙子先是擇人授以藩節其人維何  
薦紳之傑受命以來寢食未遑捍敵良圖扼於廟堂  
精銳戍兵摠於閩帥但就慈城俾為信地峙糧增築  
緬懷前烈英靈不昧夢感小卒樓名重揭慈履萬子  
剗祠致祭以矢已志突騎渡江颺忽如飛急收士民  
保障是依出兵勦擊多所斬獲俄聞君父受圍南郭  
此身存亡又何暇恤登壇誓衆灑泣而出孤軍遠赴  
屢勝直前終遇大軍衆寡相懸援絕勢急亞將先遁  
獨不旋踵手劍格戰推鋒落跡相較過當豈直殉義  
一死為諒堂堂忠節炳若日星烈烈魂氣鬱為雷霆

聖朝出涕哀詔如綸方伯死難曰某一人庇葵追爵  
廩毋官孤西民悲慕沒世如初即彼城祠并祀兩臣  
歲久重建益拓而新傍築書齋畧倣儒院茲遣禮官  
錫以嘉扁尚冀僉靈歆此一酌永樹風聲邦國有賴  
鳳鳴書院賜額文顯宗辛亥○右議政金尚容  
左議政金尚憲并享○定州  
人有恒言太上曰德節義文章世罕兼得具此三者  
從古有幾並世有難况在同氣雙留偉蹟赫赫在耳  
合有紀典以旌褒美曰惟文忠邦國之損早從賢師  
德器天成飭于行業居然領袖妙年立揚華聞藹茂  
蜚英騰仕晉塗大闢直道見基敲撼斥逐施于大州

政成制定擲垢按痛百里相慶五詘從事才為世需  
一節觀周夷險不渝晉長御史遂秉銓衡風稜峻厲  
藻鑑公明黃扉位陟朝野想望卑讓肫肫聖心偏嚮  
丙子之禍尚何忍說遯矣孤島廟社播越卿時枕戈  
為國喑噫長江失靠滿城罹危事無可為義不求生  
秉炎自焚身滅名成家人與訣留以朝衣從容不變  
視死如歸凜凜其節烈烈其光昭揭宇宙扶植綱常  
廉頑立懦播美竹帛旌以掉楔過者必式亦越文正  
生豈偶然純粹之氣得之于天千仞辟立百鍊金精  
瑞鳳祥麟先覩之爭冰蘖之潔踐履之篤出處之正

文苑前集卷三十一  
動遵繩墨羽儀于廷為世模楷正色獨立士流寔賴  
忤于群小不容何病塞北佩符海外啣命遐氓拭目  
頽俗歸淳處困而亨興望采新佐儉皇華詞擅宗匠  
乘槎朝聘忠信是仗摠典掌法衆避駟馬揚綰當朝  
人或毀舍聖祖嘉乃恩眷日厚冢宰文衡虛位而授  
山公啓事觀者皆聳公私踐誅得卿為重扈駕孤城  
益殫精忠拱北之誠如水必東事乃大謬卿獨奮義  
樞庭慟哭間者魄褫守經不移願波砥柱外殊而甦  
神明所護風霜大害拘繫幾載我心如石白刃何畏  
辭嚴項強義正勇難文山不死蘇武還漢優游丙舍

操履逾剛暮年登庸班絕巖廊寧考在疚禮遇之特  
司馬還朝衛士加額尊為大老信若著龜肩輿入對  
曠世殊私知無不言日贊訐謨都俞之盛髯唐髣虞  
君臣契合從享廟庭惟予嗣服緬溯典刑兩卿成就  
若彼卓卓寤寐不忘肅焉如昨生平事業畧與同科  
歷觀往牒孰與卿家人皆誦義奔走恐後一體同祀  
誠用盈在睠彼西州祠廟宛矣想其創建曰有所以  
伯也作宰文翁遺化季子過此章甫親炙誘掖之功  
百世不磨高山之慕一方尤多春秋以時享事有儼  
象賢之方庶幾無慙惟此賜扁尚云未遑是以多士

裏之封章有司申請實循輿情肆舉令典俾樹風聲  
瞻儀肅肅在左在右金石或泐卿名不朽茲遣禮官  
替奠泐酌靈如不昧尚冀歆格

景賢書院賜額文

肅宗乙卯○文元公  
李彥迪獨享○江界

粵我東邦學肇于箕陳範而歸以化偏陲羅濟以來  
僅稱崔薛麗之文忠寔紹其絕本朝之彥惟奎及鄭  
繼往采彰有趙文正文正之後乃復得卿統緒之傳  
若周而程維我靖陵仁明之際卿以真儒卓然名世  
卿有美質能自得師卿有篤志登高自卑存性盡禮  
窮深極微表裏交修動靜罔違求仁一篇敬畏五箴

卿於此學遠希回參無極之始至道所蘊莫顯乎微  
匪遠而近知者過之乃驚虛空卿於此論直契濂翁  
南州一疏炳然丹悃其言累千格心為本道優康時  
忠切直君卿於此時志則希文勛華繼陟事有至難  
議撤垂簾百僚改觀戴我幼主調我兩宮卿於此時  
忠則溫公孰為零虹蔽我太陽孰為曇回掾我忠良  
孰令慈母乃投之杼邈彼西塞羯羴為侶安世嶺外  
叔子涪州吾道之非卿不怨尤鵬有賦日珖無還期  
小人所幸君子之悲不能者人有定者天公議之誓  
無待百年聖祖之初馳贈特先斯文未喪崇報斯專

躋卿之祀以配仲尼東都祠亦既邠邠庶幾膺蠻  
 千秋罔隳眇予寡昧夙懷英姿想像寤寐恨不同時  
 晚間江徼亦尸而祝念此西人尊慕采芻卿惟類韓  
 地復如潮遺風所感罔間邇爰命春官亟舉恒典  
 修其牲帛錫以華扁慰彼章縫以振文雅嗟卿之神  
 其在天下如水於地無往不在薛嶺造天鳴水如帶  
 卿靈在此尚或不昧卿其願享如始緝者俾我荒裔  
 敷我儒化

大提學金  
錫胄製

忠武祠致祭文

肅宗丁巳○高句麗大臣乙支文  
德主享本朝晉興君金良彥追享

州○安

長古偉人三韓間氣智數弘淵精魄厲驚大業年中  
 畜生黷武席天下勢實臨東土高氏叢爾禍迫授首  
 嬰陽有臣靈其左右仲文無謀且昧軍書誘以女嬌  
 脫若龍攄追與相當薩水之澣風飛電擊八軍奔走  
 提封按故真彼碣石不有君子其何能國九都山高  
 涓江水長名留宇宙人也不亡蕭條異代恨不吾臣  
 風聲尚遠廟宇維新崇報之舉式採人士華扁特揭  
 牲醴公庇千秋如昨典刑在茲靈其不昧尚有格思

忠愍祠賜額文

肅宗壬戌○兵使南以興虞候朴  
命龍牧使金浚圭享江界府使李  
尚安龜城府使金尚毅龍川府使李希健永柔縣  
令宋圖南從享价川郡守張敬泰川縣監金良彥

文苑叢書

卷三十一

賜額文

二十一

孟山縣監宋德榮贈兵議金彥壽贈訓正韓德文  
東廡配享博川郡守尹惠贈戶佐咸應秀贈訓正  
梁晉國林忠恕西廡配享○安州

單師抗敵是曰壯烈棄軀徇國則為忠節矐言良將  
夙踊材傑死事之孤家聲早徹摠制西閩長城有截  
兵燹一朝列郡瓦裂獨保孤郭登埤飲血糾聚同志  
誓死相結七里重圍兵殘勢竭守備多籌方畧具設  
雲梯可拒木驢可折毒鋒逾勁危堞遽缺空券白刃  
一死已決引火自燒忠肝似鐵骨雖成灰名不可滅  
烈烈防禦罵賊有舌矢盡師燔甘心就葬一家三綱  
門映掉楔虞侯奮義降將見叱兄既死敵第忍獨活

捐脰完忠志願方畢矐伊文吏身先士卒幕府飛檄  
義聲凜發杖劍臨城鋒鏃鏘骨義士十六死皆同日  
求之古昔實惟罕匹邈矣西土復矢路絕氓俗感義  
髮豎涕雪共酹英靈歲薦芬苾至今遺墟過者嗚咽  
事既上聞予用痛怛拊髀之思到此益切褒忠之典  
豈容暫忽設宇揭名紀事蠲潔麾下將士咸與享列  
忠毫宛鬱庶幾多泄知製教李  
玄錫製  
龍谷書院賜額文肅宗癸亥○司業鮮  
于快獨享○平壤  
我東為邦箕聖伊肇式宣八條永垂藝教聖澤攸存  
寔昌其裔維靈挺生克纘令緒卓然異質天賦之厚

冲和内蘊精爽外透冰壺秋月止水明鏡見者自失  
蹶然起敬西土肄武文教未敷厥俗質質士昧其趨  
念道長晦瞻顧發歎不屑公車拋自弱冠千載之下  
冀續道脉奮厲振作委已於學誠明兼備敬義夾持  
聖經賢傳毫忽靡遺沉潜玩索通達微奧不繇師傳  
自有間悟既得於心行之自躬日用事為動得其衷  
箴瓢晏如素樂靡改中年脫躡歷覽無際司馬壯觀  
胸次益博陳良壯遊學者無敵晚耽羲經厥學尤邃  
從訓缺情即事窮理陰陽動靜精微淨潔毫分縷析  
融會透徹著書六言提要鉤玄前後所述殆十餘編

推吾私淑善誘不倦陶甄作成懷鄉丕變風聲攸暨  
遠近自聳囊弓服矣競業絃誦九疇之學不顯其統  
得人而明父師有後仁祖顓俊旌招麋至漆雕未信  
康節守志粵我孝考眷言宿德推以至誠縻以好爵  
臬司承綸勸起斯敦羽儀明庭一謝殊恩白駒未繫  
黃鵠高舉前席徒虛莫挽其去灾纏夢真痛結樛壑  
好學之誠臨筭弗懈其人則亡其澤不泯一方飲化  
餘風尚振予聞風規隔世興思高山仰止恨不同時  
龍山之陽昔所栖息函丈宛若沒而留蹟安靈有所  
重檐聿新揭彌獨闕廟貌欠尊衆髦重繭叩閭露章



有司拘常斬此寵光崇報有歎士林永恨特循異禮  
載易華扁尚遣儀郎敬陳芬苾尚越昭格佑我斯文

兵曹正郎  
尹德駿製

鶴洞書院賜額文

肅宗丙寅○大司成  
金泮獨享○江西

惟我太宗立政有經擇人必得專久待成時則我卿  
奮自寒生遴處成均四紀之盈本原經術引掖才英  
作人之盛近代無爭太宗有卿契於虞庭計效選功  
宜在褒旌藍青自出權文忠庭矯矯時習實惟肖螟  
是師是弟源委孔明卿之文學行履之貞叙述雖缺  
想見典刑宣祖西巡駐驛江城爰從軍旅錫祭荒塋

念茲師教允培國楨方際極蕩采眷九京近者西土  
廟院是營尸卿祝卿俎豆惟馨弓馬之鄉肇興風聲  
遺澤所漸陋俗可更茲錫美扁以飾瞻聆兼致禮享  
用安神靈式是後學毋廢千齡以辭侑觴庶幾予誠

知製教朴  
泰輔製

象賢書院賜額文

肅宗庚午○文敬公金宏弼  
文正公趙光祖并享○熙川

大師叙疇吾道始東聖遠言涇千古群蒙天眷我朝  
儒賢輩出猗歟文敬倡明絕學冲年志道小學律身  
左規右準外義內仁居家之日媿美曾閔立朝之初  
望君堯舜訓進章甫諄諄善誘化如時雨仰若山斗

文正補授

卷三十一

賜額文

二十一

名高德崇一世儒宗展布素蘊庶幾治隆云胡不辰  
罹禍斯酷嗟矣荒裔幾年去國幽囚困苦素志不渝  
涪州謫裏道日益修曰惟文正負笈從遊躬承旨訣  
學有淵源冲襟高識自契道真有斐瑟倘既切既磋  
玉潤金精冰瑩春和觀國用賓千一際會志切匡時  
任重行道法筵啓沃周謨殷誥巖廊辟立瑞鳳祥鸞  
愛君如父一片心丹誓變澆俗期升大猷郝俞甫已  
奸鬼睚眦夜半北門駭機猝售斯文一阮邦國殄瘁  
惟茲兩臣飲恨泉壤恩延揭厲道有消長前後昭雪  
所賴天定增秩賜謚並躋聖廡士林增氣國脉永固

流風餘韻尚在西土遺化所及亦知尊慕建宇安靈  
同列俎豆恩額久曠多士齊籲予用感歎肇錫嘉名  
爰遣禮官聊薦肥馨不昧者存歆此尊劔大司諫金  
夢陽製  
忠烈祠賜額文肅宗乙亥○忠武公  
金應河獨享○昌城  
粵在戊午深河有役詔書徵旅弊賦是索爰有虎臣  
佩符西徼受命誓師實摠左校范胸藏甲養技穿楊  
揚武直擣欲一得當天不助順師或愆期老將生奸  
托旨逞私偏裨無施虵虺絕援彼騎我徒勢如壓卵  
忠義奮發一軍感激張翥冒刃屢戰屢却屹立柳下  
視死如歸通臂絕藝今可一施射不虛發中必疊雙

十蕩皆空尺劍猶將陰風晝晦白日沉晶延年就死  
先軫若生箕封禮義賴茲以扶皇朝大恩賴茲少酬  
華夷聳觀日星爭烈陋矣孤鼠甘心屈膝天褒有加  
爵秩子男榮耀簡冊事罕古今龍灣有廟議或不便  
中間廢撤志士淚泣眺彼昌城寔存舊壘旌節所駐  
耳目猶記邦人慕義遠近齊聲英靈永安廟貌新成  
茲循群籲錫以華額申命禮官薦以洞酌遠水波寒  
朔野雲陰忠冕不昧庶幾來歆

武烈祠致祭文

肅宗已卯○皇朝兵部尚書石星  
都督李如松副總兵楊元都督僉

事李如松副總兵張  
世爵並享○平壤

粵在龍蛇卉服荐食塗炭生靈離我邦國一隅播越  
赴愬天京帝時赫怒命將于征維臣有五協贊我皇  
伊石兩李暨張與楊帷幄運籌師垣仗鉞克臧厥猷  
用張我伐如熊如羆十萬其軍雷霆所震廓清妖氛  
奠我東方復我壇場允此再造秋毫帝力匪賴鷹揚  
孰宣皇靈日星東土千秋大名睠彼箕城旌節所駐  
自我宣廟肇建靈宇芬苾靡替式至于今吁嗟百年  
神州陸沉一念嘗膳洪恩莫報臨筵竄想增我悲抱  
茲遣禮官庸薦菲薄不昧者靈庶幾臨格校理李  
真儉製  
九峯書院賜額文肅宗辛巳○左議政閔鼎重  
府院君閔維重并享○碧潼

王政所務莫先文治苟裨儒化崇報則施斯有其人  
舊章宜昇於惟相國天挺偉器夙從師友琢磨道義  
躬蹈矩矱志抱尊庇正色巖廊有恃有畏晚逢陽九  
愠于回愛赤烏荒微行其素位維德之漸維風所暨  
章縫競趨胥聳而企賴君子居遂變習氣亦粵我舅  
展也國瑞蚤就賢門白圭是贊孝友其行謹諤其議  
嘗旬西土載勤載瘁躄其蒙昧躬導講肄豐舍既葺  
墳籍亦萃爾茲爾誦于我稟既喪必禮庀昏亦儀備  
誰謂鴨水遠隔洙泗猗嗟窮裔得此昆季流聲遺澤  
至今衣被人士追懷祠屋是置既循輿言而有歧貳

凡所斷斷祇見偏陂歷稽群祀蓋多已事鰲城之享  
為所編累西平有祠以其臨莅親亦何嫌蹟實相類  
國有恒典其可廢墜迺諏宰輔迺財予意迺錫華扁  
廟儀斯賁一體同祀並列俎解彷彿平昔鴈序聯次  
念卿在世名高見忌而今覺言及于九地在卿何損  
予增愾喟茲申奠酌是諭是慰尚冀不昧敬此醴載

大提學金鎮圭製

旌功祠致祭文

肅宗甲申○高麗兵馬使朴犀將軍金慶孫并享○龜城

顯忠報德有國所先故自臨御尤致意焉雖在異代  
固新褒美念昔勝朝曰有二子惟彼朴公節制西北

文苑補遺

卷三十一

賜額文

二十八

蒙兵驟驅勢如破竹咸鎮既劔鐵川繼夷一片龜城  
朝暮且危疇與戮力沮遏兇鋒忼慨金君間道來從  
獎率群校據守三面揮戈大呼挺身力戰虜箭如沙  
臂血淋漓填然伐鼓以勵義師吹笳入壁相對飲泣  
手斬降豎彌堅素節穴城融液發砲走石大刃糜碎  
雲梯載却前後出奇隨機應變兇首破膽輟師宵遁  
一隅孤堞賴以保守終始抗義卓彼成就巡遠睢陽  
奄作保障之功之節百代可仰荒陴廢壁指點到今  
邦人景慕弗諼于心既樹豐碑用寓厥誠特許建祠  
俯循輿情一堂芬苾次第揭虔爰侈龍光肇錫華扁

日辰云吉肴醴孔香靈其不昧尚歆侑觴

校理金興慶製

清川祠致祭文

肅宗丁亥○高句麗大臣乙支文德本朝領府事崔潤德文忠公李

元翼大司憲金德誠並享○安州

有國象賢貴在崇報賢苟可象報無今古念昔乙支  
生東明國文經武緯卓為柱石隋帝東徃百萬其師  
鴨江失險箕城受圍不有偉人誰當勁敵臨機制變  
一戰而捷豐功壯烈昭暎千禩薩水南涯即其舊地  
行路興嗟矧伊居民鄉祠可祭其在斯人厥亦我朝  
蔚有三臣惟茲三臣同莅西土領樞杖鉞兼管州務  
訟庭無人眾田手鋤才兼將相此特其餘至如文忠

古之循良村桑萬株人比甘棠生前一祠百世不忘  
儉約之治亦稱都憲繡衣一褒之為斷案墮淚片石  
至今江岸一州前後何多德政輿議所同允合並享  
重惟諸人俱是間氣功既戡亂政亦遺愛生有古今  
事跡俱傳來有早暮惠澤均宣擇地建宇一體饗祀  
茲從衆籲華額庸責體予追獎庶歆薄酌副修撰李萬選製  
藥峯書院賜額文肅宗丁亥○文正公趙光祖獨享○寧邊  
吾道既東圃老肇倡有斐文敬開來繼往漢嶽降精  
真儒復作蚤悟師承為厥正嫡天賦之純玉潤金精  
踐履之篤繩直準平身任世道志甄虞唐逢時施設

大振頽綱庶變滄瀆以厯以淳斯文陽九人未百歲  
樑木其摧士林安仰理屈必伸道消而長氛祲既廓  
日月回光歷世增褒恩波蕩洋道峯綾城次第揭虔  
躋之聖廡俎豆千年凡厥崇報殆無餘憾流風所暨  
疇不觀感睠彼藥峯亦有遺蹟言念妙齡於焉綵服  
德必有隣師方在謫囚山樞衣涪江立雪從容緒言  
切磋義理迹其成就發軔于是自闢以西儒教斯昌  
人皆仰德士亦知方景像清芬爰剏廟貌輪奐告成  
有責遐徵衿紳重繭千里齊籲大德必享新禁奚拘  
茲命有司特錫華扁辨香洞酌重以祀典崇儒衛道

由予衷曲不昧者存庶幾歆格

副司果李彦經製

新安書院致祭文

肅宗丙申○朱子獨享○定州

維昔道南自洛而閩中間揚李實承嫡傳猗歟蒸陽  
集厥大成發揮聖言萬理畢呈大明披昏圓穹無罅  
道完秦餘功不禹下散而六合嘉惠斯普肆我東方  
寔有崇報躋已聖廟祠又圻邑誠非有歎禮疑或闕  
茲又揭虔于彼西關奚取於茲地號新安緬惟閩南  
曾亦斯稱魯維孔國鄒實孟鄉一治一亂天下久矣  
武夷已荒考亭何在令焉感念杳邈雲天地既相符  
禮可憑宣名則偶同理實罔間氣無不之道無方所

惟道攸同即氣所寓天高海濶何內何外矧茲東民  
猶未鱗介遺編戶誦大義人仰一泐寒泉實涵箕壤  
亦粵鳳出高疑魯山仁賢廟近武侯祠隣顧今安靈  
舍此何宜嘉我多士廟西安之一邦所瞻遺像有儼  
激我衰俗增我曠感耻曾淳熙誼又春秋胡叫昔惡  
頽習今憂異代同揆予用是嘆懷仰有地秉彝同天  
魯俗可變周統益尊邪詖屏載義理彰明庶幾吾東  
從此克寧綉儀載舉景慕采篤伴官錫扁敬薦芬苾

司書洪裕地製

義烈祠賜額文

英宗癸丑○忠武公金應河獨享○宣川

身出偏區義塞宇宙事在一時名烈萬古巡遠不死  
唐室無人天祥不死屬猪無臣皇褒鄭重炳如星日  
天地未壞其氣不滅山岳未頽其節不泯結為霓虹  
散為雷震上征天闕陪我神考非爾之思願瞻周道  
山榛隰苓予懷曷已捲彼宣州是卿所荏生既遺愛  
沒亦依遲有廟無額義士齋咨使臣西還始聞建陳  
藝則之重撐負一身詎礙疊設或新恩典茲命禮官  
往致薄奠忠魂不昧如水在地眷顧故邦尚歆茲解  
知製教鄭  
羽良製

賜額文五

院祠  
闕北

老德書院賜額文

仁祖乙丑○文忠公李恒福主  
享大司成金德誠副提學鄭弘

翼配享左議政閔鼎重李尚真判  
書吳斗寅李世華追享○北青

惟古豪傑間世乃生勲業節義亦各殊程執克兼之  
其惟我卿爰初發跡已負雋聲聖神在宥髦彥彙征  
譬彼秋旻衆星縱橫卿在其間爛為長庚希文之廓  
稚圭之宏養以經學蔚然高明值時之難擢秉樞衡  
謀謨應機奔走殫誠功冠中興莫之與京巖巖廊廟  
赫赫丹青肆其彌綸將還太平日入明夷天地晦冥  
群奸熒慝數亂大經謂毋可讎邪說盈庭鼎鑊以胥  
人莫敢攖卿時在野發憤氣盈引義昌言雷轟日晶



倫綱幾墜隻手以擎匹馬壯成不震不驚遯矣荒俗  
爭覩典刑有來摠衣踵錯門屏經承講畫如化螟蛉  
匪直湘纍枯槁獨醒鵬集庚子神返箕星暗嘻未伸  
淚睫猶縈鬩塞楓林孰招英靈衿紳永慕及于夷氓  
立廟以祀可見同情迺睠配列有二忠貞抗節扶義  
鼎峙淨嘒大冬松操烈焰金精並世同執不容異評  
俎豆一室休有光榮惟是僻遠限于予聽褒表之典  
曠不舉行有或白予亟賜嘉名尚俾來者益聳瞻聆  
遣官馳酌牲酒肥馨不昧者存歆此尊劍

龍津書院賜額文

肅宗丙子○文正公  
宋時烈獨享○德源

大提學金  
昌協製

毓精星嶽接汾閩洛天賦純粹風猷宏博巖巖之氣  
卓卓其節步趨濶大準程方直早依賢師丕闡道脉  
心存繼開力肆經籍出處語默動遵先覺粵我孝廟  
賓延碩德卿時首膺乃展志業禮擬商傅契隆漢葛  
雪涕困敦仗義羽曆屢趨郝俞訐謾密勿未湔漢耻  
遽遭舜陟寧考乃繼倚毗彌篤疑質著龜用需霖楫  
邦禮有訂譜說罔極宵人伺闖蔽予冲服慈杼誤投  
羿穀交射國運傾否家髦擯斥北遷南移風饕霧毒  
泥塑沾顛虎履震惕不容何病所守逾確天道循環  
氛翳屏廓亟伸丹筆遂返赤舄漸繁暨旋伊髮勝昔

士林聳瞻都民手額方喜造朝不俟終日卿引禮退  
予歎儀隔歲在己巳慶溢宗祏一疏慮遠衆口羅織  
知卿斷斷奈讒喻喻萋成貝錦路開棘蠻缺  
鯨颺渤滯郵舍傳命斯文告厄纓弁相吊婦孺舉盡  
群陰未消至寃難暴逮今更化悔予莫察興言及此  
永懷慚恧百年心事十行遺墨念卿德業有光簡冊  
今世則亡九原難作纔舉懿典追復舊秩杖屨攸憇  
宥室咸築睠彼宜城亦卿遺躅道亨阨困樂在教育  
人知趨向士有矜式弓馬絕徽絃誦易俗一方所遵  
大賢餘澤載營祠廟齊籲宸閣爰昇華扁庸勸後學

州以德稱卿以禮食觀感在茲典刑如昨有嘉蓮豆  
式享芬苾不昧者存庶幾欽格校理趙泰來製

溟川書院賜額文

肅宗丙子○文烈公趙憲獨享○吉州

汴社芬苾愍忠遺儀崇陽俎豆象賢美規風聲所樹  
砥礪之方卿惟正人稟氣純剛精靈岳降忠孝天得  
學有淵源操履之篤識明著蔡先事而燭持斧守闕  
茲諛載戢碎首叩礎憂憤中激遭時孔艱爰得死所  
效命不渝殉國自許忠肝日炳義旅雲合沫血為誓  
神鬼皆泣西原報捷指日迅掃錦城失援奈天不助  
談笑解鞍視死如歸殉身蹈節烈烈光輝熊魚取舍

日月綱常忠堦常山義並睢陽先朝懋嘉追典有章  
滄州黔浦廟焉斯享士知風勵人皆山仰睇彼臨溟  
卿昔流放追攀遺躅祠宇爰設義聲攸暨遐裔亦悅  
瞻依有所享禮罔缺廉頑立懦激勸在茲親上死長  
觀感於斯肆錫新顏庸載紀典不昧遺靈庶歆寵真

修撰李益壽製

顯忠祠賜額文

肅宗丁亥○贈贊成鄭文孚僉知中世俊主簿吳允迪崔彥英許權

奉事鄭汝慶尹崇守門將李希白吳遵禮并享○會寧

粵在壬辰島夷逞毒彌湖滿畿踰嶺而北血肉生靈  
巢穴幽闇奸民媚寇闖發其間爰拘國宰遂及王子

助虐養禍俾賊益肆卿時倡義起自幕府聞風響應  
遠近接武四人先奮八士繼起張膽賈勇唾手爭死  
磔裂叛兇次第殲盡鼓衆惕敵神人快憤得保餘燼  
寔賴爾曹誌錄俱存事蹟孔昭惟鏡剏祠闕不減秩  
一堂配食齒四遺八安靈無所久欠追報群情壹鬱  
湮沒是懼合謀經營就府別構事未聞朝獨無旌美  
使臣筮白藩奏且至烈武偉躅炳赫耳目一猶光國  
矧爾輩出激厲忠勇豈由首事同心效死實藉衆士  
功可均褒禮宜同享盍樹風聲丕聳瞻聽肆推盛典  
寵錫華額特遣禮官酌以洞酌不昧者存庶幾歆餒

弘治製

文苑補遺卷之三十一

